




ACCIDENTE FATAL DILANTI CAYENA MALL

A fayece Denny Enmanuel Leoni Davila
naci na Veneezuela (21 año)



CUATER VENEZOLANO CU 468 KILO DI MARIHUANA Y 104 KILO DI COCAINA CONDENA NA 5 AÑA DI PRISON

PARLAMEN- TARIO ENDY CROES A BISHITA TWEED KAMER



**MIENTRAS PUEBLO TA
WARDA PA ALIVIO NO
TIN CAMINDA MAS PA
PUEBLO SCONDE PA
SLA DI PRIJS!**



ACCIDENTE SERIO, ORA CU YARIS A DAL CONTRA TRUCK CARGA CU GAS



Hato / Pos Abou - Dialuna mainta trempa un truck

di Arugas a haye involvi den un accidente di trafico.



Ta asina cu e truck bayendo direccion di Pos Abou a haye confronta cu un Yaris biniendo pariba. Na stuur tawata tin un dama, cu lo a pega soño na stuur.

Chauffeur di truck a trata

na maniobra pa evita lo peor, pero asina mes e Yaris a sigui y dal pa despues bay cay parcialmente den e greppel.

Polis cu a yega a solicita pa ambulance y brandweer pa por saca e dama cu tawata tin dolor.

Segun nos a compronde, e dama lo a caba di traha un warda di anochi y lo tawata basta cansa y cansancio posiblemente a pone cu e la bay soño tras di stuur.

Despues cu e la wordo saca di e auto, nan a transport'e pa Hospitaal.


ENFOCA Y CLA PA PREPARA PA E SIGUIENTE WEGANAN OLIMPICO

A reuni cu atleta di landamento Elisabeth Timmer pa combersa su plan pa Ciclo Olimpico LA2028

Diaberna ultimo a reuni cu Elisabeth Timmer a traves di un "Online Meeting", unda a combersa riba su plannan pa e siguiente añanan como atleta di rendimiento. Elisabeth cu ta un atleta di landamento cu ta specialisa den 50m y 100m "free" y ta conoci pa a landa un bon campaña durante e ultimo ciclo Olimpico. Awo e ta desea di mehora riba esaki pa asina por yega e meta final di bay Weganan Olimpico

di LA2028. Elisabeth ta conta Comité Olimpico Arubano (COA) cu e la establece na Rotterdam-Hulanda, unda e ta traha como "Mechanical & Marine Engineer" y ta entrena na un club unda varios atleta Olimpico tambe ta entrena cu yama "Albion Swimming".

E club di natacion ta specialisa su mes den atleta cu ta haci e distancianan cortico "sprint" pues ta un



bon opcion pa Elisabeth sigui mehora su tempo. Banda di esaki e ta splica cu e ta pleno preparacion



pa asina participa na clasificatorio pa asina representa Aruba como #TEAMARU na weganen

na aña 2026. COA ta desea Elisabeth tur clase di exito cu e reto nobo. #TEAMARU

VICTIMA DI ACCIDENTE FATAL A SALI UN RATO PROME DI UN SUPERMERCADO POCO MAS PARIBA DI UNDA E LA ACCIDENTA



Caya G.F.BETICO CROES

Cayena Mall riba Caya Betico Croes.

Diadomingo anochi tawata uno basta pisa pa polisnan.

Tawata trata di un brommer y un Van color blanco.

Den careda di 10'or y mey informacion a drenta di accidente pisa dilanti

Polisnan cu a yega mesora



a pidi pa ambulance, pero alabes por a mira cu e motociclista ya no tawata reacciona. Na yegada di Paramediconan, mucho mas no por a haci debi cu e motociclista homber yama Denny Enmanuel Leoni Davila naci na Venezuela 24 november 2003 (21 año) no tawata duna señal di bida mas.

Asina a cuminsa e procedura di notifica e autoridadnan concerni.

Na e sitio nos a combersa cu un persona cu un rato prome a mira e brommer y cu esaki lo tawata coriendo cu velocidad basta halto.

Esaki a sosode altura di rotonde di Dadelstraat. Di eynan e victima lo a bay abou y a para na Tarabana Food Center (no ta conoci si e lo por cumpira algo) y despues a sali bay direccion Cayena Mall unda e ta accidenta.





NoticiadiCorte

CUATER VENEZOLANO CU 468 KILO DI MARIHUANA Y 104 KILO DI COCAINA CONDENA NA 5 AÑA DI PRISON

ORANJESTAD – E hombernan Venezolano J.B.R., J.P.G., A.H.A. y R.J.G., a presenta den Corte pa scucha nan sentencia. Hues a haya nan culpabel di posecion di un gran cantidad di droga.

SOLO DI PUEBLO por a compronde cu Fiscal a existi 7 aña di prison pa e grupo cu e ta haya cu a importa droga. Hues no ta haya cu nan a importa droga pero si cu nan tabatin e lote grandi di droga den nan poder. Hues a condena nan na 5 aña di prison.

Luna pasa tratamiento di e caso a tuma lugar caminda Fiscal a muestra cu Guarda Costa a intercepta e boto dia 23 Februari 2025. A confisca 23 bulto di droga. Den e bultonan aki a haya 468 kilo di marihuana y 104 kilo di cocaína.

Fiscal a existi pa cada un sospechoso 7 aña di prison. Tambe el a existi pa e boto cu 12 jerry can di gasoline keda confisca.

HUES A BAHÁ CASTIGO

Diabierna mainta, Hues a dicta sentencia den e caso aki. Hues a bisa cu e ta haya legalmente proba cu e grupo aki tabatin un lote di droga. Hues a muestra cu e abogado a bisa cu tabatin fayonan haci y mester declara Fiscal no admisibel. Hues ta rechaza esaki. Hues a bisa cu e ta haya cu tur e 4 acusadonan a wordo hiba cu cara tapa pa un boto cu 572 kilo di droga.

Hues a bisa cu e boto ta chikito y mirando e cantidad di droga, e 4 acusadonan mester por a e cantidad di droga. Hues ta haya cu e 4 acusadonan mester por tabata sa cu tin un carga ilegal abordo. Na opinion di Hues,

biniendo Aruba cu e boto, e acusadonan a tuma e chens cu nan ta forma parti di transporte di droga.

Pa cu e castigo, Hues a bisa cu mirando e cantidad di droga, esaki tabata destina pa vende. Droga ta bay compaña cu criminalidad. Hues tambe a tene cuenta cu ta promer biaha cu e grupo aki ta cay den man di husticia. Hues a sigui bisa cu e ta tene cuenta tambe cu den Corte, e grupo a laga muestra cu nan no sa di nada y no kier a tuma responsabilidad.

Hues a bisa cu e no ta haya proba cu e grupo tabata importa droga sino cu e grupo tabata den posecion di e cantidad di droga.

Hues a condena cada un na 5 aña di prison, kitando e tempo cu nan ta sera den KIA.

CANDELA NA UN CAS DEN CAYA TIBUSHI



Tibushi - Diadomingo anochi brandweer y polis a bay den area di Safir, unda lo tin un cas na candela.

Ora a yega e adres tawata den Tibushi. Pero no

tawata trata di un cas. Berdad tawata tin huma saliendo.

A resulta cu tawata un palapa patras di e cas cu pa un of otro motibo a pega

candela. Brandweer a paga esaki, evitando lo peor.

A pidi Elmar tambe pa yega y kita e coriente.

DOS DAMA SERIAMENTE HERIDA DEN ACCIDENTE RIBA CAMINDA DI KIBAIMA



Kibaima - Diadomingo anochi den careda di 10'or polis ta topa cu un accidente serio riba e caminda di Kibaima.

Ta asina cu poco panort di e rotonde di Balashi patruya ta topa cu dos Kia Picanto cu a dal contra otro.

Mirando cu tin dos dama seriamente herida ta pidi pa dos ambulance.

Mester a cera e rotonde, evitando tur auto pa bay direccion Santa Cruz.

Na e sitio nos a compronde cu e Kia Picanto color cora tawata bayendo zuid cu velocidad halto.

Dado momento pa un of otro motibo lo a hala na su man drechi y baha parcialmente riba tera.

Esaki a causa cu e chauffeur lo a bay maniobra y aki e ta perde control completo y ta bay dal contra un otro Kia Picanto cu tawata biniendo nort.

Dos dama a resulta seriamente herida, por a scucha con un tawata sclama di dolor.

Ambulancenan cu a presenta a transporta ambos pa Hospitaal.

Polis di trafico a pidi pa departamento tecnico tambe na e sitio.

100 Years
Of Superior
Experiences

Bo tarheta di Debito nobo ta cla pa busca!

Fechanan	Prome letter di bo number
Sep 22 - Oct 3	A, B, C, D, E
Oct 6 - Oct 17	F, G, H, I, J, K
Oct 20 - Oct 31	L, M, N, O, P, Q
Nov 3 - Nov 14	R, S, T, U, V, W
Nov 17 - Nov 21	X, Y, Z



📍 Card Pick-up Center – EPB HATO
📅 dialuna pa diabierna, 9:00 am – 5:00 pm

Tuma Nota

- ☒ Trece bo ID valido ora di busca bo tarheta
- ☒ Si otro persona ta busca bo tarheta, e mester trece e formulario di autorizacion firma y un copia di bo ID.
- ☒ Si bo a ricibi bo tarheta entre januari y augustus 2025, ya bo tin bo tarheta nobo caba. Bo no mester busca mas.
- ☒ Si bo a ricibi un email cu ta indica cu bo tarheta ta caduca na september 2025, bo tarheta ta cla pa busca na Aruba Bank Hato.
- ☒ E distribucion aki ta solamente pa tarhetanan cu ta caduca desde october 2025.

www.arubabank.com

Arubabank®

DESPUES DI A ACCIDENTA: MANEHADOR(30) DI QUADRACER TE YEGA HOSPITAAL DEN SITUACION CRITICO



Sero Alejandro - Diadomingo anochi den cardeda di 9'or a sosode un accidente serio di quadracer riba e caminda di Sero Alejandro.

Polisnan a bin topa cu un quadracer gebolter e manehador riba suela y un cura di cas kibra.

Mesora a pidi pa ambulance, mirando cu e situacion di e manehador ta serio. Te hasta na prome instante a papia di un accidente fatal.

Na e sitio nos a papia cu un testigo. E la conta cu tawata biniendo pariba, esta riba e caminda di Savaneta y a mira e manehador

altura di Lydia's Kitchen cu e quadracer. Parse e lo tawata tin problema cu e quad.

Algun rato despues e testigo bayendo su cas, pasando riba e caminda di Sero Alejandro mester baha velocidad, debi cu quadracer lo a pase cu velocidad halto.

Despues e ta mira cu e manehador a accidenta y tawata muestra hopi serio.

Paramediconan cu a presenta mesora a cuminsa traha cu ne. Y dado momento a pidi polis pa escolta nan pa Hospitaal, debi cu e situacion di e manehador a empeora rapidamente.



Polis na su turno mester a tene tur e camindanan druk unda e ambulance mester a pasa cera un rato, pa asina e por a yega Hospitaal mas lihe posibel.

Pues den un situacion critico e manehador a yega Hospitaal.



Clasificados

SOLODIPUEBLO@GMAIL.COM

CEL.585 9500

PARLAMENTARIO ENDY CROES A BISHITA TWEEDE KAMER

Na Tweede Kamer den comisie zaal Staatsecretaris di Binnenlandse Zaken y Koninkrijk Relaties Eddie van Marum a ricibi varios pregunta for di parlamentario nan Hulandes riba e situacion di e islanan CAS. E parlamentarionan Hulandes tabata haci hopi pregunta skerpi riba e islanan di Aruba, Corsou y St Maarten.

Parlamentario Endy Croes ta indica cu no solamente e tema di Venezuela a bin riba mesa, pero tambe riba e situacion financiero unda cu nan tabata basta critico y hasta dado momento a papia den e comision pa duna e islanan nan independencia pa nan por para riba nan propio pia. Otro parlamentarionan a Sali hopi na defensa di e islanan CAS unda cu ta indica cu e islanan aki ta parti di Hulanda y cu mester yuda e islanan aki den e momentonan dificil cu nan ta confrontando na e momentonan aki. Parlamentario Endy Croes ta duna di conoce cu e reunionnan aki ta reunionnan hopi interesante mirando e

situacion cu Aruba ta den dje unda cu ta bringa e Rijkswet unda cu na Aruba e mayoria di e pueblo ta contra di Rijkswet.

Importante ta pa sa kico ta e pensamiento di gobierno di Hulanda pa cu Rijkswet HOFA y pensamiento di Eerste y Tweede Kamer. En toda caso Hoog Leraar y Professornan di Eerste Kamer a critica e Rijkswet HOFA indicando cu e no ta bon y no ta sirbi "Het Deugt Niet" lokual nan a comenta y sigur e No a cana e caminda corecto.

Ultimamente por a tuma nota riba loke cu profesor Peter Nicolai a vocifera y a critica e manera completamente cu e Rijkswet HOFA a encamina, Un Rijkswet cu Prome Minister Mike Eman, Minister Geoffrey Wever y Minister Gerlien Croes a entrega na Hulanda y cu no a cana corecto y no a cana e caminda pa a haya consensus di Parlamento di Aruba.

Den comisie zaal na Tweede Kamer ta importante pa sigui e desaroyonan aki pa asina Aruba tambe sa kico ta



e caminda cu mester sigui cana. Banda di tur cos e conexion cu mester cu e parlamentario nan Hulandes pa asina splica ken de ta Aruba

y con Aruba ta y kico ta Aruba su Historia ta, ta importante pa implementa na Hulanda y pa asina tin mes conocimiento di e islanan CAS. E simianan

cu ta wordo planta awe den e conexionnan cu tin mas dilanti lo wak kico ta e fruto nan den henter e proceso di conocimiento di Rijkswet.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



PLAZA HUBERT “LIO” BOOI A WORDO REINAUGURA DURANTE UN BUNITA CEREMONIA

En conexion cu 47 aña di celebracion Departamento di Cultura Aruba



Den cuadro di celebracion di su 47 aniversario, Departamento di Cultura Aruba (DCA) a organisa un emotivo evento pa reinaugura Plaza Hubert

“Lio” Booi, ubica na Universidad di Aruba, banda di Maria Convent. E ceremonia a conta cu presencia cu famia di Sr. Hubert Booi, Minister

di Cultura, director di Departamento di Cultura Aruba, partnernan cultural y invitadonan kendenan a rindi homenahe na e figura iconico Hubert Q. (Lio) Booi (1919), co-compositor di nos Himno Nacional Aruba Dushi Tera y tambe e prome director di Instituto di Cultura Aruba.

Hubert “Lio” Booi tabata un poeta, pintor y promotor cultural cu un amor grandi pa nos idioma Papiamentu. El a defende y enrikese nos cultura door di su poesia, obra teatral y texto di cancion. Como un promotor incansabel, el a lucha pa cultiva e spirito di pueblo Arubano y a dedica su bida na desaroyo y educacion cultural di e isla. Su legado ta biba den su obranan literario y den e cariño pa cultura local cu semper a sembra y cosecha.

E programa a cuminsa cu canto solem di nos himno nacional, dirigi pa Sra. Maybellyne Arends-Croes y interpreta pa coro Melange. E prome orador tabata drs. Siegfried Dumfries, director di DCA, kende a duna palabra di bon bini y a gradici un y tur pa e sosten brinda 47 aniversario di Departamento di Cultura Aruba y cu pa e departamento ta un honor di por contribui na e desaroyo cultural di pais Aruba. Despues a sigui cu palabranan di minister di Asuntonan General, Cultura, Medio Ambiente



y Naturalesa, mr. Michiel Eman, kende a comparti su reflexion riba importancia di preserva y celebra nos identidad cultural.

Un momento di gran emocion tabata e “Oda Profundo na Hubert ‘Lio’ Booi: Ta Ken E Ta”, dirigi pa Jhon Freddy Montoya y narra pa Rachel Kraaijvanger, cu a uni baile, poesia, pintura y musica den un presentacion multidisciplinario. Participantenan tabata: Adriana Cereste, Munye Oduber, Lizienne Maldonado, Antonieta Ras Booi, Hubert Ras, Hubert Thiel, Grupo di Baile Rosea Cultural y Fundacion Dabariuba.

E acto central di anochi a tuma lugar cu desvelo di e relief dedica na Hubert “Lio” Booi, den presencia di directeur di DCA, Minister di Cultura, Rector di Universidad di Aruba Sra. Sue Ann Lee y yiu di Hubert “Lio” Booi, Antonieta Ras Booi y demas invitado. Tameb nos ta gradici nos artista Martiza Erasmus cu a traha e relief di Hubert

“Lio” Booi, cual a wordo inaugura 30 di september 2003 y ayera tabata tin su reinauguracion despues cu e area aki na Universidad a conoce un renobacion.

Despues publico a gosa di un presentacion musical bou di guia di e maestro Johnny Scharbaay, cu un repertorio di musica en bibo interpreta pa Rignald “Papito” Rafael, Humphrey Solognier, Mario Middendorp, Robert Thiel y coro Melange, cu tambe a inclui Antonieta Ras Booi. Departamento di Cultura Aruba ta gradici di curason na Universidad di Aruba, Grupo di Baile Rosea Cultural y tur artista y colaborador cu a contribui pa e presentacion cultural di gran nivel. Un palabra di gratitud tambe ta bai pa tur esnan cu a presencia e evento.

E ceremonia a finalisa den un ambiente di socialisacion y musica, marcando un celebracion digno pa 47 aña di DCA y su compromiso constante pa honra y preserva nos cultura y patrimonio.

Parlamentario Dangui Oduber:

MIENTRAS PUEBLO TA WARDA PA ALIVIO NO TIN CAMINDA MAS PA PUEBLO SCONDE PA SLA DI PRIJS!



E pueblo aki a ser priminti pa tanto Partido AVP como Partido Futuro cu e situacion financiero pa famianan lo bira miho. Nan a bisa cu nan lo mehora e poder di compra, cu NO lo tin inflacion y cu tur prijs nan Aruba lo baha. Ta fresco den nos memoria con minister Geoffrey Wever a bisa cu frigidairenan na Aruba ta bashi y cu e lo percura pa yena e frigidairenan bek.

Awe despues di 7 luna e realidad ta otro. Awe un tin caminda pa sconde pa prijs mas na Aruba. E situacion no a cambia y es mas e situacion a bira pio. Unda cu bo bira tin aumento di prijsnan explosivo. Ningun prijs na Aruba a baha, costo di bida no a ser mehora y poder di compra ta keda bay atras.

Minister Wever a bisa cu e ta traha riba un "koopkrachtmodel" pa mehora e poder di compra pero pueblo si no tin pasenshi mas pa warda ki dia e modelo aki lo keda cla.

Tur dia pueblo ta sinti efectonan di prijsnan na Aruba. Tarifa di awa no a baha, tarifa di coriente no a baha, prijs di gasolin NO a baha, prijs di diesel no a baha y no papia mes di prijsnan den supermercadonan. Si tanto AVP como Futuro a bisa durante eleccion cu Aruba tawata caro, awor e situacion a bira pio! Tin un aumento explosivo di prijsnan tur caminda. Productonan den canasta basico mes experienciando aumento explosivo di prijsnan

Awe pueblo ta wordo castiga cu medida pa minister Wever. E propio minister Wever aki e regala pueblo un regalo di san valentino pa aumenta e prijs di gas residencial cu 30% pa un compania cu a gana 13 milyon florin. Ta insolito cu te awe e no kier duna cuenta, e no kier bin parlamento y no kier corigi e decision aki cu ta perhudica miles di hende cu ta bende cuminda na Aruba pa sobrevivir.

□ Prijs di lechi a subi cu 10% siendo lechi ta den canasta basico. Unda minister Wever ta pa controla productionn den canasta basico??

□ Prijs di koffie a subi cu 10% y minister di inflacion man crusa? Awe koffie ta costa 17.25 florin.

□ Prijs di 1 kilo di galiña a subi cu di 5.75 pa 8



florin, un aumento di 40% y minister Wever drumi morto na soño ta ronca.

□ Prijs di 500 gram beef cutsmall a subi di 14 florin pa 18.04 florin.

Placa simplemente NO ta yega esnan mas vulnerabel den comunidad. Nos ta mira cu gobierno tin surplus di 500 milyon florin, ta invertiendo miyones

den infraestructura, den edificionan pero ta lubida e hende.

Nos fraccion ta sumamente preocupa cu e situacion explosivo di aumento di prijsnan na Aruba y nos ta mas preocupa ainda cu tin un gobierno cu no tin vision y no tin plan holistico con pa percura pa un miho calidad di bida pa nos hendenan.

Clasificados

SOLODIPUEBLO@GMAIL.COM
CEL. 585 9500

ARUBA FAIR TRADE AUTHORITY EN REGULATORY AUTHORITY CURAÇAO GAAN SAMENWERKEN

Oranjestad/Willemstad, 6 oktober 2025 – De Aruba Fair Trade Authority (AFTA) en de Regulatory Authority Curaçao (RAC) hebben een samenwerkingsprotocol ondertekend om hun krachten te bundelen bij het toezicht op de elektriciteits- en watervoorziening. Met dit protocol spreken beide toezichthouders af om nauwer samen te werken door kennis, informatie en expertise uit te wisselen. Ook

zijn afspraken gemaakt over gezamenlijke trainingen, werkstages en regelmatige overlegmomenten. Het doel is om de kwaliteit en effectiviteit van het toezicht in beide landen te versterken. “Door onze ervaringen te delen en elkaar te ondersteunen, kunnen we beter inspelen op de uitdagingen binnen de energie- en nutssectoren,” zegt Curt Belfor, CEO van de RAC.

Ook drs. Roly. Sint Jago, voorzitter van de raad van bestuur van de AFTA, benadrukt het belang van de samenwerking: “Deze overeenkomst biedt ons de kans om van elkaar te leren en samen te bouwen aan een stabiel en transparant regelgevingskader voor Aruba en Curaçao.” De samenwerkingsovereenkomst sluit aan bij de bredere ambitie van beide autoriteiten om regionale samenwerking te bevorderen en

daarmee bij te dragen aan duurzame economische ontwikkeling in het Caribisch deel van het Koninkrijk.



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



Clasificados

SOLODIPUEBLO@GMAIL.COM
CEL. 585 9500



Paardenbaalstraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - October 06, 2025

CATCHI	
Sorteo # 4764	
1681	
6158	
1221	
FP	
BIG 4	
Sorteo # 4764	
6712	
X5	
OFF	
Sorteo # 2820	
8433	
ZODIAC	
Sorteo # 4764	
4779	
Aries	
LUCKY 3	
Sorteo # 1638	
457	
X2	

LOTTO 5	
Sorteo #	Joker Letter
0x Jackpot	Proximo Jackpot
0x Match 4+	
0x Match 4	
0x All 12,00	150.000,-

LOTTO DIA	
Sorteo #	Proximo Jackpot
0x Jackpot	
0x Match 4	
0x All 8,00	50.000,-

MEGA	
Sorteo #	Mega Ball
0x Jackpot	Proximo Jackpot
0x match 4	
0x All 500.00	
0x All 50.00	
0x All 15,00	310.000,-

MEGA	
Sorteo #	
0x Jackpot	
0x match 4	
0x All 500.00	
0x All 50.00	
0x All 15,00	Afl. 410.000,-

KORSOU	
Sorteo #	
0x Jackpot	
0x match 4	
0x All 500.00	
0x All 50.00	
0x All 15,00	



CROSSWORD

WORD SEARCH PUZZLE



Across

2. Where do we bury the dead?

5. What do witches make?

6. What does Dracula sleep in?

9. What is made only of bones?

11. What is the opposite of a 'Treat'?

12. What might you die of on Halloween night?

Down

1. What fills the sky on Halloween night?


3. Which animal howls at the moon and has big sharp teeth?

4. What might rise up dead from a graveyard?

7. What goes 'BOO' but hasn't got a mouth?

8. Which halloween lantern is also a vegetable?

10. Who has a black cat and flies on a broomstick?





TOYOTA RAV A BOLTER CU 4 HOBEN DEN DJE



Saliña Cerca - Diadomingo anoci den careda di 11'or polisnan di Noord a sali direccion Saliña Cerca pa un auto cu a bolter.

Polisnan no por a kere nan wowo ora na a yega. Un Toyota Rav color preto, casi nada a keda di dje.

Mesora a pidi pa Brandweer y tambe pa varios ambulance.

Debi cu den e auto tawata tin 4 hoben.

Ta asina cu e auto aki tawata bayendo zuid cu un velocidad super halto. Poco mas pazuid di Wacamaya Appartements e ta perde control y ta bay na su man robes.

Ta manera e auto a bay halto y bay termina contra un Van di un compania cu tawata

staciona pafo di e oficina.

E Rav a keda completamente destrui, tur hende ta bisa cu ta un milager cu e hobennan a scapa di morto.

Nan tawata herida, pero tawata papiay por a comunica tanto cu bomberonan, polis y Paramediconan.

Varios ambulance a presenta pa transportanan pa Hospitaal.



Na e sitio mayornan di e hobennan a presenta pa pone nan mes na altura di local a sosode.

FIESTA DI CUNUCU PA NOS GRANDINAN

Durante e luna di october nos ta celebra e luna di Adulto Mayor. Tur aña ta scohe pa un tema diferente y e aña aki nos ta dedica atencion na con adultonan mayor ta duna impulso na accion local y global. Tambe nos ta pone enfasis riba e aspiracionnan, e derechonan y e bienestar general di adultonan mayor di Aruba. En conexion cu celebracion aki, Directie Ouderenzaken (DOZ) conhuntamente cu Departamento di Agricultura, Cria y Pesca (Santa Rosa) ta organisa un Fiesta di Cunucu pa nos grandinan.

Den luna di october, Santa Rosa tambe ta celebra e dia Mundial di Alimentacion. En conexion cu

dia aki cu ta wordo celebra tur aña riba dia 16 di October, Santa Rosa ta uni forza cu Directie Ouderenzaken pa promove e cultivo local y sostenibel di alimentonan. Durante di e Fiesta di Cunucu lo tin bendemento di fruta, berdura y mata y tambe lo tin un competencia di cuminda crioyo pa promove nos cultura di alimentonan local. Un grupo di experto lo fungi como hurado y lo scoge e plato crioyo ganador.

Diferente grupo di adultonan mayor cu ta organisa actividadnan social y recreativo lo ta presente na e fiesta pa benede cuminda, obra di man y mucho mas. Di e forma aki nan por recauda fondo

pa por haci mas actividad pa adultonan mayor. Durante di e Fiesta di Cunucu tambe lo reconoce nos heroenan local, esta adultonan mayor cu a duna un contribucion grandi na e comunidad di Aruba.

E Fiesta di Cunucu lo tuma lugar riba diadomingo 12 di october for di 9 or di mainta te cu 1 or di atardi na Santa Rosa. Durante e fiesta di cunucu lo tin tent, mesa y stoel disponibel pa esnan presente por sinta den fresco. E grupo tipico Enkura lo ta encarga pa e bon musica.

E pueblo di Aruba ta cordialmente invita pa bin celebra hunto cu nos y aporta na e actividadnan di gruponan social dedica na mehora e bienestar di nos adultonan mayor.



Registra y salba bida!



ORANJESTAD: E ta sigur un bunita gesto, pero mas ainda e ta algo asina necesario. Nos tur conoce un hende cu pa un of otro motibo a haya nan mes den un situacion cu nan tin mester di sanger.

Sea un famia, un amigo, un bisña, un colega of miembro di un club deportivo.

Kisas abo mes a experencia cu e sanger a yudabo

recupera bo salud di un accidente, un operacion of un malesa cronico. Danki Dios nos ta bendiciona cu profesionalnan den nos sistema di cuidio medico cu ta percura pa esaki.

Y sigur danki na e donantenan di sanger. Arubianonan cu literalmente ta duna di nan mes pa salba bida di un otro ser humano.

Storianan cu antes ora bo drenta scol di polis automaticamente bo ta bira donante di sanger.

Algun bes pa aña bus yen di aspirant ta bai bloodbank pa asina nan duna di nan parti pa yuda salud di nos prohimo.

Hopi di esnan di e tempo ey te ainda ta duna sanger, nan a sinti e proposito di duna

bek na comunidad di e forma aki.

Tin hasta dunado di trabou cu ta coopera cu nan coleganan y laga nan bai bloodbank durante ora di trabou.

Un elogio sigur pa e doñonan di trabou aki y un bon manera pa otro companianan tambe por contribui na nos pais.

Fuera di e trip pa bloodbank, duna sanger no ta costa bo nada. Kizas e ta tiki 'scary' na comienso, pero bo ta custumbra lihe.

Tin hende cu hasta gusta e hangua. Ami no ta un di eseynan, pero pa mas cu 10 aña caba sigur cada bes ta un satisfaccion pa por a yuda un biaha mas.

Ta wordo bisa tambe cu dunamento di sanger ta yuda bo mes curpa pe traha sanger fresco mas lihe, cu ta bon pa bo mesun salud.

Pa mas informacion por bishita website y pagina di Facebook di Stichting Bloedbank Aruba.

MASHA DANKI DONANTE!

STICHTING BLOEDBANK ARUBA

TOYOTA RAV A BOLTER CU 4 HOBEN DEN DJE



Saliña Cerca - Diadomingo anoci den careda di 11'or polisnan di Noord a sali direccion Saliña Cerca pa un auto cu a bolter.

Polisnan no por a kere nan wowo ora na a yega. Un Toyota Rav color preto, casi nada a keda di dje.

Mesora a pidi pa Brandweery y tambe pa varios ambulance.

Debi cu den e auto tawata tin 4 hoben.

Ta asina cu e auto aki tawata bayendo zuid cu un velocidad super halto. Poco mas pazuid di Wacamaya Appartements e ta perde control y ta bay na su man robes.

Ta manera e auto a bay halto y bay termina contra un Van di un compania cu tawata

staciona pafo di e oficina.

E Rav a keda completamente destrui, tur hende ta bisa cu ta un milager cu e hobennan a scapa di morto.

Nan tawata herida, pero tawata papia y por a comunica tanto cu bomberonan, polis y Paramediconan.

Varios ambulance a presenta pa transportanan pa Hospitaal.



Na e sitio mayornan di e hobennan a presenta pa pone nan mes na altura di locual a sosode.

FIESTA DI CUNUCU PA NOS GRANDINAN

Durante e luna di october nos ta celebra e luna di Adulto Mayor. Tur aña ta scohe pa un tema diferente y e aña aki nos ta dedica atencion na con adultonan mayor ta duna impulso na accion local y global. Tambe nos ta pone enfasis riba e aspiracionnan, e derechonan y e bienestar general di adultonan mayor di Aruba. En conexion cu celebracion aki, Directie Ouderenzaken (DOZ) conhuntamente cu Departamento di Agricultura, Cria y Pesca (Santa Rosa) ta organisa un Fiesta di Cunucu pa nos grandinan.

Den luna di october, Santa Rosa tambe ta celebra e dia Mundial di Alimentacion. En conexion cu

dia aki cu ta wordo celebra tur aña riba dia 16 di October, Santa Rosa ta uni forza cu Directie Ouderenzaken pa promove e cultivo local y sostenibel di alimentonan. Durante di e Fiesta di Cunucu lo tin bendemento di fruta, berdura y mata y tambe lo tin un competencia di cuminda crioyo pa promove nos cultura di alimentonan local. Un grupo di experto lo fungi como hurado y lo scoge e plato crioyo ganador.

Diferente grupo di adultonan mayor cu ta organisa actividadnan social y recreativo lo ta presente na e fiesta pa bende cuminda, obra di man y mucho mas. Di e forma aki nan por recauda fondo

pa por haci mas actividad pa adultonan mayor. Durante di e Fiesta di Cunucu tambe lo reconoce nos heroenan local, esta adultonan mayor cu a duna un contribucion grandi na e comunidad di Aruba.

E Fiesta di Cunucu lo tuma lugar riba diadomingo 12 di october for di 9 or di mainta te cu 1 or di atardi na Santa Rosa. Durante e fiesta di cunucu lo tin tent, mesa y stoel disponibel pa esnan presente por sinta den fresco. E grupo tipico Enkura lo ta encarga pa e bon musica.

E pueblo di Aruba ta cordialmente invita pa bin celebra hunto cu nos y aporta na e actividadnan di gruponan social dedica na mehora e bienestar di nos adultonan mayor.

Fiesta Di Cunucu

Pa Nos Grandinan

12 DI OCTOBER 2025
9 AM - 1 PM
SANTA ROSA

Bin forma parti di e celebracion di Luna Di Adulto Mayor enconhunto cu Dia Mundial di Alimentacion

Actividadnan

- Bendemento di obra di man
- Cuminda Crioyo
- Mata
- Y mucho mas!

MINISTER WYATT-RAS:

" NOS ADULTONAN MAYOR TA UN PARTI ESENCIAL DI UN SOCIEDAD SOSTENIBEL Y HUMANO."

Oranjestad, 6 oktober 2025
- Directie Ouderenzaken (DOZ) y Departamento di Agricultura, Cria y Pesca (Santa Rosa), den presencia di Minister di Salubridad, Asuntonan Social, Cuido di Adulto Mayor y Maneho di Adiccion, sra. Melvin Wyatt-Ras y Minister di Finansa, Asunto Economico y Sector Primario, sr. Geoffrey Wever, a firma un acuerdo di cooperacion pa uni forsa pa promove bienestar di adultonan mayor na Aruba.

E acuerdo di cooperacion tin como meta pa amplia participacion activo di adultonan mayor den sociedad, y fortifica e lazo intergeneracional,

pa asina e sabiduria, experiencia y balornan cultural di nos grandinan keda bibo den comunidad y sigui inspira e futuro di nos pais.

Minister Wyatt-Ras a enfatisa cu e acuerdo ta representa un paso importante den e promocion di un estilo di bida activo y inclusivo pa e grupo di adulto mayor. E cooperacion aki ta habri caminda pa iniciativanan cu ta stimula actividad, alegria y sentido di comunidad.

"Nos adultonan mayor tin conocimiento y experiencia balioso cu ta fortifica nos sociedad. Nan a traha duro pa forma nos pais, y nan merece biba un bida digno den



un comunidad inclusivo, sostenibel y humano." Pa medio di e acuerdo,



DOZ y Santa Rosa lo colabora riba diferente proyectonan cu ta uni movimiento, naturalesa y comunidad. Entre esnan den desaroyo tin:

- Fiesta den Hardin: un actividad anual y inclusivo pa adultonan mayor na Santa Rosa, caminda alegria, naturalesa y encuentro social ta central.

- Hardin rond di casnan di cuido: pa crea un ambiente tranquil, agradabel y saludabel na casnan di cuido, caminda

adultonan mayor por ta activo y relaha den contacto cu naturalesa.

- Proyecto di pesca pa adultonan mayor y hobennan: pa uni generacionnan pa preserva tradicion y conocimiento local di piscamento.

E acuerdo di cooperacion ta reforsa e colaboracion entre gobierno, institucionnan y comunidad pa promove bienestar social y salubridad — pa un Aruba mas fuerte, mas saludabel y mas humano.

Paga bo cuenta online ta facil

Sea
**Abonnement
of Aviso**



Pago online,
facil y lihe

SOLO Di Pueblo

**Pa hasi pago online pone number y adres na
cuenta di banco RBC Sunmax Printing
account # 7700000100152447**

SOPI DI LETRANAN

WEATHER



I	R	A	I	N	B	O	W	O	D
E	S	I	G	U	D	S	A	G	N
N	N	D	U	O	L	C	C	N	I
A	O	H	O	L	S	M	O	I	T
C	D	A	L	R	R	E	D	N	Z
I	O	I	N	O	R	L	A	T	I
R	O	L	T	N	P	D	N	H	A
R	L	S	S	U	D	D	R	G	R
U	F	D	I	S	A	U	O	I	Z
H	A	W	O	N	S	P	T	L	O

WORD LIST

STORM	FLOOD	CLOUD
LIGHTNING	TORNADO	HURRICANE
SUN	RAIN	SNOW
HAIL	RAINBOW	PUDDLE

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6				5			8	
		4				7		
	3				6			
2				5				8
			4				1	
		3				4		
	2				7			3
1				8			2	

Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husingando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

Directie Ouderenzaken (DOZ) y Departamento di Departamento di Agricultura, Cria y Pesca (Santa Rosa) A FIRMA UN ACUERDO DI COOPERACION PA TRAHA HUNTO NA BIENESTAR DI NOS ADULTONAN

Minister Geoffrey Wever, di Finansa, Asunto Economico y Sector Primario, y Minister Melvin Wytt-Ras, di Salubridad, Asuntonan Social, Cuido di Adulto Mayor y Maneho di Adiccion a firma un acuerdo di cooperacion entre Directie Ouderenzaken (DOZ) y Departamento di Agricultura, Cria y Pesca (Santa Rosa) cu tin como meta principal pa stimula participacion activo di adulto mayor pa medio di iniciativanan riba tereno di agricultura, cria y pesca.

Pa medio di e acuerdo di cooperacion aki, DOZ y Santa Rosa lo:

- **O r g a n i s a** actividadnan cu ta contribui na e bienestar fisico, social y mental di adultonan mayor.

- **E h e c u t a** proyectonan den cooperacion estrecho cu adultonan mes. Di e forma aki ta haci uzo di e conocimiento y experiencia valioso di adultonan mayor y ta stimula nan participacion activo den nos comunidad.

- **S t i m u l a** proyectonan pa adultonan



mayor y hobennan pa stimula e comunicacion entre e diferente generacionnan. Durante di e proyectonan aki, e conocimiento, experiencia, norma y balornan cultural por wordo traspasa di un generacion pa otro.

- Cera acuerdonan di cooperacion entre instancianan gubernamental, instancianan educativo, gruponan social y cultural y sector priva pa asina por ehecuta proyectonan duradero, conhuntamente cu adultonan mayor.

- Enfoca riba e

contribucion valioso di adultonan mayor den e comunidad di Aruba y lo stimula nan participacion activo den proyectonan pa nos comunidad.

Na e momentonan aki ya tin diferente proyecto den desaroyo:

- Un Fiesta di Cunucu pa Nos Grandinan Den conexio cu celebracion di luna di adulto mayor (1 di october) y dia mundial di alimentacion (16 di october), lo organisa un actividad na Santa Rosa. Durante di e actividad aki, diferente grupo di adulto mayor cu ta organisa actividadnan social y recreativo lo pa presente pa bende cuminda, obra di man, mata y mucho mas. Den forma aki nan por recauda fondo pa por haci mas actividad pa adultonan mayor. E intencion di e fiesta aki ta pa e bira un actividad anual pa adultonan mayor y cu participacion di adultonan mayor.

- Hardin rond di casnan di cuido pa adulto mayor.

Haci uzo di naturalesa pa e bienestar di adulto mayor den casnan di cuido. E hardinan aki ta forma espacionan trankil pa topa otro, espacio trankil pa habitantenan, dunador di cuido, personal y boluntario. E habitantenan ta wordo encurasha pa ta activo den e hardin.

E proyecto aki wordo ehecuta cu casnan di cuido y lo wordo ahusta a base di posibilidad y movilidad di e habitantenan.

- Proyecto di pesca pa adultonan mayor y hobennan

E idea tras di e proyecto aki ta pa adultonan mayor y hobennan cu tin interes pa haya sa mas di pesca (y pesca tradicional), bini hunto y siña conoce otro

den practica di piscamento na lama. Adultonan mayor por contribui grandemente na e conocimiento di nos hobennan pa locual cu ta trata e materia, technicanan y historia di piscamento.

E acuerdo di cooperacion entre DOZ y Santa Rosa lo demonstra cu un cooperacion estrecho entre diferente departamento di gobierno, adultonan mayor, organisacionnan den sector priva y instancianan involvi den e guia y cuido pa adultonan mayor, lo conduci na mihor bienestar fisico, social y mental di adultonan mayor den nos comunidad door di enfoca riba un bida activo pa adultonan mayor, alegria den tur fase di bida y comunicacion entre generacionnan basa riba comprendemento y respect mutuo.

Clasificados

SOLODIPUEBLO@GMAIL.COM
CEL. 585 9500

SOLLO De Pueblo

**UN BITTER
DI MAS...
POR
STROBA
BO DI
YEGA CAS.**



E
DESICION TA
DEN BO MAN

